

T 3223/1432.81

建寧府志缺葉表

卷十八尾葉

卷二十二尾葉

卷四十五題詠尾葉

卷十九第五
六葉

康熙三拾貳年增刻

各上憲鑒定

建寧府志

本府藏板

重修建寧府志序

哈佛大學漢和
圖書館珍藏印

國家重熙累洽薄海內外罔

不臣服幅幘之廣超越前

代

3223/1432.81

HARVARD-YENCHING INSTITUTE
AT HARVARD UNIVERSITY
JUL 16 1949

皇上稽古右文

詔天下郡國各修志乘宣付
史館彙成一統志業已分
曹珥筆且晚竣事矣而建

寧府志迄今未有成書予
奉

命來守是邦觀風問俗之暇
進諸大夫國人諮詢之蓋

舊志之修乃前明萬歷壬子距今八十餘年矣中間郡司馬程君應熊雅意修葺稿垂成以遷秩去曩者

通志之役

臺檄催督如風雨前守劉君芳標不得已以鈔本應自是凡有所需皆傭工繕

寫資費煩苦而魯魚亥豕
識者病之竊意建州七閩
上游當江浙要衝山川清
淑南宋之世名儒輩出稱

海濱鄒魯數百年來名公
卿先後繼起所稱文獻之
邦也乃郡志因循殘缺何
以副

聖天子一統車書之盛爰是禮
聘紳士延問耆老舉前鈔
本損益而折衷之芟其蕪
蔓訂其舛訛補其缺畧閱

歲而始成余于是嘆修志
之難也蓋郡邑之有志猶
國之有史作史家刪繁就
簡酌爲統志非具才識學

三長固未易語此然所執
者諸道之成編所憑者已
定之聞見用力少而成功
多故足傳也若夫志則非

可易易矣前人剗之後人
因之或一人主之數十人
商定之其勢不能無同異
則創始難甌越僻處海徼

文選 卷之八 月不
洊懼兵火雖山川不改城
邑如故然土田不能無荒
闢也戶口不能無消長也
賦役不能無盈縮營建祠

祀不能無廢興也則蒐考
難一時之官師人物是非
未定予奪未明或其人近
在耳目之間褒譏去留不

能無瞻徇則持議更難于
此而欲折衷損益勒成信
史即使龍門操觚班范載
筆亦非可苟焉從事也然

則志誠難而建之爲志不
尤有難焉者哉今志之成
也諸君子虛懷相勉詢謀
僉同蓋其慎矣一編之中

土田皆已墾治戶口皆已
殷繁賦役皆已釐正營建
祠祀皆已修舉職官之賢
否以輿誦爲衡先達之純

疵以鄉評爲定卽節烈隱
逸不敢忽焉事求其覈議
取其公詞尙其馴雅雖不
敢妄希信史然而增萃踵

美仰副

聖朝一統車書之盛自今其
無愧矣乎予旣幸建之有
志從此當垂不朽而又歎

時近百年人易數手遲之

又久至于而始竣其事非

偶然也因紀其實于此俾

後之人知所考焉嗚呼難

矣是役也鄉先生司理謝
君銓爲祭酒而豫章鄒君
山耆逸徐君謙佐之分纂
則孝廉潘君金尚陸君登

選余君志輩校正則明經
朱君士燧太學謝君超宗
而肇其始者郡博蔡君登
龍董其成者甌令鄧君其

文也其勦厥事者建安令

李君和雨建陽令劉君鴻

誥崇安令楊君雲鷓浦城

令金君耀松溪令沈君煥

政和令李君仙品壽寧令

呂君方高皆與有助焉例

得并書

昔

康熙癸酉仲秋上浣之吉

賜進士中憲大夫知建寧府

事類川張琦撰并書



建寧府志目錄

卷之一 輿圖

卷之二 沿革

卷之三 疆域附分野 風俗 形勝 氣候

卷之四 山川附水利

卷之五 山川附水利

卷之六 城地

卷之七 公署上附倉庫 恤政 關隘

卷之八 公署下附武署 分署 行署

卷之九

學校

附學田

社田

義學

卷之十

書院

卷之十一

津梁

卷之十二

坊市

附坊表

井泉

卷之十三

賦役上

卷之十四

賦役下

卷之十五

物產

卷之十六

祀典上

壇壝
民祀

祠廟

官祀

卷之十七

祀典下

寺觀

卷之十八

職官上

統轄

卷之十九

職官中

郡州

路

府

縣

卷之二十

職官下

教職

武職

卷之二十一

官蹟一

卷之二十二

官蹟二

卷之二十三

官蹟三

卷之二十四

官蹟四

卷之二十五

選舉一

卷之二十六

選舉二

卷之二十六 選舉三

卷之二十七 選舉四

卷之二十八 人物一 理學

卷之二十九 人物二 全目

卷之三十 人物三 忠義

卷之三十一 人物四 風節

卷之三十二 人物五 良吏

卷之三十三 人物六 儒林

卷之三十四 人物七 文苑

卷之三十五 人物八 武功

卷之三十六 人物九 流寓

卷之三十七 人物十 孝義

卷之三十八 人物十一 隱逸

卷之三十九 人物十二 方伎

卷之四十 人物十三 列女

卷之四十一 藝文一 書目

卷之四十二 藝文二 紀述

卷之四十三 藝文三 題咏

卷之四十四 雜志一

卷之四十五 雜志二

卷之四十六 雜志三

卷之四十七 雜志四

卷之四十八 拾遺

建寧府志卷之一

圖紀 附武夷山圖

古天府之藏左圖右書蓋書以紀事圖以表形二者兼該而史名焉我

朝聲教旁敷蟠天際地獻圖而貢璞者踵相錯建固南服之襟喉也恪修郡乘竊取史裁凡諸建設方隅山川關隘以及宮署壇壝疆里之屬星羅碁布悉繪簡端一披卷而瞭然指掌豈僅紀碧水丹山之勝覽已哉志圖紀

哈佛大學漢和
圖書館珍藏印

建寧府八縣總圖



卷之一 疆域

二

建寧府

建寧府寧城池圖

建寧府志

建寧府志

卷之一

疆域



三

二

建安縣地理圖

建寧府志

卷之一

疆域

建寧府志



房村上里

房村下里

登仙里

大洲

開帝廟

天妃宮

茶壩

素溪外里

開元寺

光孝寺

南觀

泰溪內里

大成殿

儒學

鼓樓

縣治

廣德門

通津門

東長里

川石里

安泰里

水雲寺

東嶽廟

天堂

白雲寺

東峯街

順陽里

建寧里

南才里

吉苑里

新柑里

地理圖

甌寧縣



卷之一
疆域
五

建陽縣地理圖

建寧府志卷之八

卷之一

疆域

六



崇安縣地理圖



浦城縣地理圖



政和縣地理圖

十三卷下

卷之一

疆域

十

政和縣



三十一都

一都

三都

二都

黃熊山

禮壇
厲壇

三都

三都

三都

三九都

三八都

二七都

三六都

二三都

二五都

二四都

山川壇

五都

二一都

十二都

十三都

九都

十五都

十一都

八都

十都

十六都

七都

十八都

十七都

四都

六都

二〇都

三五都

一九都

壽寧縣地理圖

壽寧府志


卷之一

疆域

十一



武夷山圖



卷之一 疆域

十二

建寧府志

國凡例

一府志自宋守備公元吉始輯成書至明宏治間
知府劉公璵繼修之是爲宏治志嗣是而嘉靖
而萬歷俱有續志戊子兵燹板燬無存

國朝康熙丙午署府事向知程公應熊推官姚公
文燮實始纂修書未成而二公遷官去壬子

詔修一統志臺檄郡縣各修志書前守不得已以抄
本應今茲所編參合前稿併舉舊志之義例變

通而酌定之要皆上遵

昭代下協輿情中詳興廢庶幾一郡信史可徵而從已

一建寧七閩故地始見於周職方秦建閩中郡建隸之自漢以來或稱軍或稱州沿革不一迨宋孝宗潛藩建寧始陞為府元改為路明復為建寧府

國朝因之轄縣八其疆域山川星纏分野氣候風俗及禹貢所屬悉錄以備參考

一城池為郡邑藩衛道梁通達京省皆王政先務也建上游重地高城深池由來已舊近屢瀕圯司牧者畱心營度爰築爰濬建浮梁設板檻民之隸建者有所衛以安生聚有所濟以通往來是亦王政之克舉者乎

一學校為教化根本人才之盛衰風俗之淳漓繫焉建郡頻遭大患黌序多頽壬申夏霪雨彌旬

府學

聖殿大半損傷太守張公捐俸倡修八邑侯亦各

輸金樂助

文廟兩廡戟門櫺星輪奐重新爲諸學之冠甌寧

舊學基址卑窪屢爲水齧今移建勝地以奉

先聖誠一郡之盛舉人文之吉徵也宜併識之

一建寧公署宏敞甲於諸州戊子之變盡付劫灰

府縣正治皆已丑後次第重建分署武署未遑

締造今瘡痍稍復可漸經營以復舊觀

一坊市建中煙井舊傳十萬戶上擬中州近以耿

變市肆蕭條司牧多方招徠流亡漸歸生聚富

庶可指日以見

一戶口有消長土田有熟荒戊子甲寅兩經變故

民多凋瘠田多汙萊建甌二邑尤其甚者又以

時下金生粟死屢困徵輸哀益權宜是在留心

民瘼者一軫念之建民其庶有賴歟

一賦役秋糧夏稅國有常征曩志俱憑歷年易知

由單彙八邑而統集之至今不無增減近經辛

未編審科徵款項核定全書數綦詳矣司國計

者精心考核以撫字爲催科其於周家什一之

條王政量入之法庶有合焉

一職官建州八閩要地文武兼設撫字干城徵諸前志其間有失載者攷補無遺

國朝以來守令披荆榛而勤勞徠師武清萑苻而嚴鎖鑰用能再造建民登諸衽席其功績在人赫赫足多者傳之宦蹟以志不誼他如散秩微員前志並未登載近記之以昭職守

一貢舉鄉會兩榜盛於宋著於明載諸國乘班班可考竊惟從前各志每多遺佚近從邵氏賢書

何氏閩書并府學鄉貢題名碑碣詳考補入

本朝甲榜惟戊戌一科爲盛其後歌鹿鳴捷南宮者指不多屈作興培養其望於在位者深矣

一封蔭之典所以崇孝思廣錫類德至渥也前志備錄封章倫於家譜今特著其姓氏詳其贈爵於以仰前修而生人忠孝之感至於胄蔭宋大賢朱文公十八世孫濬承襲五經博士殊爲特典附記之以昭

聖朝崇儒重道德意

建寧府志
一 人物莫大於理學莫盛於勲名忠孝節義之遺
高人遷客之屬卓卓宋明間者志載詳矣今乃
更定品日要期尙論未敢苟同前志間有缺畧
者多從閩書補入若夫博徵近哲續續先型一
行可傳不容泯沒其他潛德幽光未經論定者
不敢遽入示至慎也一一貞節亦登之以勵風
化

一 書目建推闕里著述盈車太上則揆天根窮月
窟爲經世不朽之書其次亦能成一家言非徒
掇取春蒸者比但洊經兵燹家鮮藏書卽建陽
書坊百不存一姑紀其目以質博學好古之君
子

一 藝文名賢著述關於土俗風化者前載備詳間
刪蕪蔓近以移學宮復書院建譙樓繕橋梁碑
序之文識其大者至於山川名勝高人韻士用
暢雅懷之作間取一二不敢濫收

一 災祥太平有象不藉點綴於芝草醴泉修飭多
方自可潛銷夫字彗熒惑閩之爲災耿變爲大

其波及建寧者至今猶心悸也丙辰克復民不
戒火延燒中外廬舍幾半丁巳

恩豁全省錢糧民得少甦至今構數椽蔽風雨者皆
上賜也他鮮災異不敢漫書

一雜志所收必人與事有足誌者乃始登錄若仙
若釋諸志多載茲爲錄甚夥非崇之也以吾道
寢衰異端斯熾所以爲戒欲其反經焉耳武夷
書院

國朝表章建溪書院郡中復啓游胡朱蔡之學庶
其弗墜矣乎經正民興斯無邪慝是在後之君
子矣

纂修建寧府志姓氏

主修

建寧府知府張琦 庚戌進士開封籍潁州人

同知劉邦彥 瀋陽人監生

通判來式銓 貢監蕭山人

監修

甌寧縣知縣鄧其文 監生上元籍崇仁人

分修

建安縣知縣李和甫 乙丑進士安邱人

建陽縣知縣劉鴻誥 巴陵人 已未進士

崇安縣知縣楊雲鵬 潘陽人 監生

浦城縣知縣金耀 監生 上元人

松溪縣知縣沈煥 監生 仁和人

政和縣知縣李仙品 新誠人

壽寧縣知縣呂方高 貢生 武進人

纂修

拔貢鄒山 宜黃人

建寧府儒學教授蔡登龍 舉人

分纂

原任江南理刑謝銓 戊戌進士 甌寧人

生員徐謙 建安人

舉人潘金卣 建安人

余志鞏 建安人

陸登選 甌寧人

貢生朱士燧 建安人

候選州同知謝超宗 甌寧人

建寧府志卷之二

沿革

閩僻瀕海建據上游當周時曾紀職方至秦置守立郡由漢以來世幾更名幾易我

國朝取歷代而定之府屬仍舊制度盡善無疆惟恤且無疆惟休矣志沿革

周

屬七閩地職方氏辨七閩之人閩之名始此

秦

屬閩中郡

勾踐裔亡諸氏姓騶據閩自王始皇廢亡諸為君長以其地為閩中郡

漢

高帝屬閩越

先是亡諸及粵東海王搖歸番陽令吳芮從諸侯滅秦漢興佐漢擊楚五年立亡諸為閩越王閩中故地都冶惠帝三年舉高帝時平粵功搖為東海王都東甌治即今候官縣將軍山甌即今浙江永嘉縣

武帝屬會稽郡

建元三年閩越發兵圍東甌東甌請舉國徙江淮其地復屬閩越六年閩越擊南粵南粵請救天子閩越王郢發兵距險其弟餘善謀殺王降立亡諸孫繇君丑為越繇王奉閩越祀餘善以殺郢功立為東越王並處故又名東越元鼎五年餘善反漢擊之元封元年繇王居股殺餘善以降封居股為東成侯帝以閩越悍數反覆徙其民江淮間遂虛其地久之逃遁山

谷者頗出立為冶縣屬會稽南部又名其地為東冶縣

東漢

光武屬會稽南部都尉

帝初改冶縣為侯官都尉屬會稽郡後分冶縣為東南二部都尉閩為南部都尉臨海為東部都尉

獻帝建安初立三縣仍屬會稽南部都尉

分侯官之北鄉置建安南平漢興三縣建安即今本府

南平即今延平漢興即今浦城

建安八年賀齊進兵建安立都尉府

先是王朗奔東冶侯官長商升為朗起兵孫策遣永寧長韓晏領南部都尉將兵討升以齊為永寧長晏敗齊代晏領都尉事侯官與建安漢興南平復亂齊進兵建安立都尉府

二國災

景帝永安三年以會稽南部為建安郡領縣十是年析建安之桐鄉置建平縣改都尉曰太守領

建安建平吳興東平將樂昭武綏安南平侯官

東安十縣仍治建安建平即建陽吳興即漢興東平未詳將樂析建安校

鄉置昭武即邵武析建安安置綏安析建安校鄉西偏地置即今泰寧建寧二縣東安即今同安南安二

縣地

晉

惠帝屬江州領縣七

先是武帝太康三年析侯官東安置晉安郡惠

帝元康元年以屬江州領建安東平吳興建陽

將樂邵武延平七縣江州即今江西之九江府晉安即今福州迤南四府

江左省延平東平二縣

本志言江左不言何代方輿勝覽謂宋明帝廢

延平二縣之省擬即此時

宋

高祖仍屬江州

文帝元嘉中兼有綏城沙村二縣

析邵武將樂地置沙村一曰沙縣

陳

武帝永定初屬閩州後屬豐州即今江西之撫州

隋

高祖開皇九年郡廢為縣屬泉州

文帝大業初屬閩州三年屬建安郡

是年析侯官地置閩縣并建安南安龍溪皆屬

焉治閩縣

唐

高祖武德四年改為建州改太守為刺史

舊志云是年移州治於建安領縣六尋為妖賊

武遇所陷五年刺史謝元治討之州復閩縣仍

屬復置唐興建陽將樂綏城并建安凡六縣唐興

即吳興

六年析閩縣置泉州建州領縣如故

七年領縣七邵武來屬

八年領縣六屬泉州都督府省建陽入建安

太宗貞觀三年領縣四省綏城入邵武

按八年領縣六今既省綏城入邵武當云領縣

五而云四者疑沙村與綏城并置前此未省而

下文乃云復置沙縣恐此時與綏城并在所省

高宗永徽六年領縣五復置沙縣

中宗嗣聖五年領縣六復置建陽

睿宗景雲二年屬閩州都督府

元宗天寶元年隸長樂郡復改建安郡隸江南東

道採訪使改唐興為浦城縣

肅宗乾元元年復為建州隸福州都督府

上元元年屬福州節度

代宗大歷六年隸福州都團練觀察置使

十二年領縣五割沙縣屬汀州

僖宗乾符五年賊黃巢毀州治州人陳巖率鄉兵

破之

中和四年以陳巖破賊功拜觀察使鎮福州表

郡人熊博為刺史寓治建陽

昭宗景福三年建州刺史徐歸範叛附於王潮潮

王審知兄也

五代

晉

高宗天福六年以建安鎮安軍王延政為節度使

封富沙王後改鎮武立溫嶺松源關隸三鎮

天福八年延政以建州建國僭稱殷改元天德

延政審知子俗謂王二十郎

南唐

保大四年兵圍建州拔其地遷延政之族於金陵

州改爲永安軍尋改忠義軍領縣八升歸化場爲歸化縣

永安場爲建寧縣松源鎮爲松源縣

宋

太祖開寶八年南唐平復以其地爲州改松源爲松溪縣

太宗太平興國三年屬兩浙西南路通志云屬威武軍

五年領縣四析將樂屬南劍州升邵武爲軍而以歸化建寧屬焉

雍熙二年改屬福建路

端拱元年升建寧軍節度

淳化五年領縣五升崇安場爲崇安縣

真宗咸平三年領縣六升關隸鎮爲關隸縣卽今政和縣

英宗治平三年領縣七析建安建陽浦城三縣地置甌寧縣

神宗熙寧三年領縣六省甌寧縣

哲宗元祐四年領縣七析建安地之半復置甌寧而建陽浦城之地不復與

高宗建炎二年州卒葉儂叛知州事方承移寓建陽

先是建炎元年建州軍校張員等作亂執守臣張動轉運使毛奎爲所殺判官曹仔嬰城自守二年轉運判官謝如意執張員等六人誅之是年六月建州卒葉儂等作亂寇福州陷七日入寧德縣復還建州上命御營中軍統制張俊同兩浙提點刑獄趙哲率兵討之大破儂兵於建

州城下儂遜而降復謀叛尋擒斬之州始復

四年御營前軍將楊勅叛焚建州都統制劉光世招安之七月建州范汝爲作亂知州事劉子翼移寓崇安宋史云范汝爲作亂命統制李捧捕之復命福建安撫使程邁會兵討之捧擊汝爲於建州官軍皆潰捧遜去十月遣前御史臺檢法官謝嚮招汝爲十月復命神武副軍都統制辛企宗討之十二月汝爲降詔補民兵統領紹興元年正月嚮率汝爲討平建陽賊劉時舉

二月以企宗為福建制置使詔企宗及嚮罷遣
 汝為兵汝為不聽命六月崇安民廖公昭合汝
 為餘黨熊志寧作亂既散志寧復與建陽民丁
 朝佐合兵陷二縣八月移軍福州討志寧及胡
 江等諸賊尋遣御史胡世將督捕十月汝為復
 叛入建州守臣王浚民棄城走企宗退屯福州
 汝為犯邵武守臣吳必明統制李山率兵拒之
 眾潰退保光澤縣十一月以孟庾為福建江西
 荆湖宣撫使神武右軍都統制韓世忠副之是
 月汝為犯光澤李山走信州十二月汝為遣葉
 澈寇南劍州守臣張覺拒戰大破之企宗仍罷
 遣三官率兵軍前自効二年正月世忠兵至建
 州直抵鳳凰山五月破之汝為自焚死斬其二
 弟及附賊者餘黨悉平世忠初欲盡誅建民李
 綱在福州馳至救止之建民以全紹興三十二
 年升為建寧府以孝宗潛藩故張棟為記
 德祐二年元福建宣尉使行征南都元帥唆都
 遣招討使百家奴丁廣取建寧

元

世祖至元初隸杭州

十五年改建寧路隸福州行中書省置錄事司

元史作二十六年

十七年改建寧路總管府隸福建道宣尉司

順帝至正二十二年立建寧分省尋據於陳友定

分省廢元史作十八年

明

太祖洪武元年友定平復為建寧府屬福建布政

司罷錄事司領縣仍舊置福建行都指揮使司

又置建寧左右中三衛各領左右中前後五所

俱治於此中衛 年徙太平府為建陽衛

代宗景泰八年領縣八增置壽寧縣附郭一二建安

城松溪政和壽寧

國朝因之

縣治

建安本侯官北鄉地漢建安初析置以年號為縣名兼轄

今建陽甌寧將樂泰寧諸縣之地十年析縣之桐

鄉置建平縣吳永安三年又析其地為將樂昭武
綏安三縣唐屬建州南唐屬永安軍尋屬忠義軍
宋屬建寧治平三年又析縣之西北境十二里置
甌寧縣惟統東南隅十三里地元屬建寧路明屬
建寧府縣附郭

國朝因之

甌寧本建安縣九里三者并浦城建陽二縣地宋
治平三年析置熙寧三年省二元祐四年復以建安
西北十二里為之蓋分建安之半建陽浦城之地
不與元明仍舊縣附郭

國朝因之

建陽本建安桐鄉地漢建安十年孫策遣賀齊討
上饒分桐鄉以益之立建平縣屬會稽南部晉大
元中改隋開皇九年省入建安唐武德四年復置
八年又省入建安垂拱四年

通志云嗣聖五年

復置偽閩

以縣之西北地立溫嶺鎮後改為崇安場宋淳化
五年陞為縣始自黃亭分界景定間改嘉禾

有嘉禾產

於石塘里故名元復今名仍舊

國朝因之

崇安本建陽西北地五代時偽閩析置溫嶺鎮屬建陽南唐改崇安場宋淳化五年陞為縣始自黃亭分界元明仍舊

國朝因之

浦城亦侯官北鄉地漢建安中析置漢興以國號名吳

永安三年改吳興隋開皇九年省入建安縣唐武

德四年復置改唐興天授末改武寧通志云嗣神聖六年

龍元年復名唐興大寶元年改載興後唐同光中

更名浦城舊志云東越王築城臨浦因名宋德祐初分置忠安軍

元復為浦城明仍舊

國朝因之

松溪本吳越處州東平鄉五代時偽閩據為松源

鎮今縣東飯伏里是其地南唐保太九年陞為縣宋開寶八

年改今名縣南有溪發自浙江處州府慶元縣松源鄉兩岸有松故名至道二

年析建安之杉溪興唐并浦城之上元三里益之

元明仍舊

國朝因之

政和本福州寧德縣地王潮析之置關隸鎮宋咸平三年陞爲縣析建安之東平高宅葺城感化東衢五里地益之政和五年改今名以年號名元明仍舊國朝因之

壽寧本政和之東北里及福安縣之十一等都地明景泰六年析置

國朝因之

先時溫處流民肆剽掠明景泰初洞蠻鄭懷茂擁衆嘯聚於官臺山作亂朝命都御史劉廣衡發兵

勦之檄按察僉事沈訥爲前部訥字文敏號繼恭蘇崑山人素有才畧因從間道深入其阻躬自搏戰身被二矢一鎗奮鬪益急賊不能支遂殲焉復與劉謀曰此賊負固百餘年矣民亦習亂今幸覆其巢穴若不臨之以官能保其無後憂乎劉是之建白于朝始勅置沈復專督其事區畫經理咸適厥宜民感德爲立報功祠云

建寧府志卷之二 終

建寧府志卷之三

疆域

分野

形勝

氣候

風俗附

先王體國經野雖犬牙相錯而界限甚明所以嚴
侵軼專防守也然經理於下而象緯徵焉建寧枕
山帶水聯絡郡邑夷險異勢寒暄異候與夫習尚
之禮有煩簡俗有奢儉皆附於次志疆域

建寧府

東抵福寧州福安縣界三百三十六里西抵邵武
府邵武縣界一百五十五里南抵延平府南平縣

界八十里北抵浙江衢州府江山縣界三百五十里東西相距四百五十里南北四百里東南到福州府古田縣界二百五十里西南到延平府順昌縣界一百一十五里東北到浙江處州府龍泉縣界二百二十五里西北到江西廣信府鉛山縣界三百四十五里到京師五千七百五十五里

建安縣 附郭

東抵政和縣界一百里西抵甌寧縣界一里南抵延平府南平縣界八十里北抵甌寧縣界一里東

西相距一百一里南北相距八十一里東南至福州府古田縣界一百五十里西南到延平府南平縣界七十五里東北到松溪縣界一百一十里西北到甌寧縣界一里到京師五千七百五十五里明編戶十六里城內一坊二隅外四鄉領里十三統圖一百三十有三

國朝因之

在坊 東隅統圖一 南隅統圖四 光祿坊統圖一

畫錦鄉 將相里統圖十 南才里 統圖十五 秦溪內里 統圖十一

秦溪外里

統圖八

原祐鄉

登仙里

房村上里

房村下里

永和鄉

統圖十

順陽里

建寧里統

永平鄉

統圖九

安泰里統

東莨里

歐寧縣

附郭

東抵建安縣界一里西抵建陽縣黃口界八十里

南抵建安縣界一里北抵浦城縣南崖界一百八

十里東西相距一百八十一里南北相距一百八

十一里東南到建安縣界一里西南到延平府順

昌縣白巖界一百二十二里東北到松溪縣西溪

界二百里西北到建陽縣由源界一百五十里到

京師五千七百五十五里明編戶十五里城內一

坊二隅外四鄉領里十二統圖一百九十一

國朝因之

在坊

統圖三

統圖四

安樂鄉

崇安里統

西鄉里統

不供里統

星會鄉

禾義里統

禾吉里

紫溪里統圖十七

慈寧鄉豐樂里統圖十九

吉陽里統圖十六

梅岐里統圖十五

溫柔鄉慈惠里統圖十五

府溪里統圖十

高陽里統圖十

建陽縣

在府城東一百二十里東抵甌寧縣界三十五里

西抵邵武縣界一百里南抵甌寧縣界三十五里

北抵崇安縣界四十里東西相距一百三十五里

南北七十五里東南到甌寧縣界七十里西南到

順昌縣界一百里東北到浦城縣界二百二十里

西北到邵武縣界一百三十五里到京師五千六

百三十里明編戶十九里城內一坊外二坊五鄉

領里一十六統圖一百八十有七

國朝因之

在坊縣坊統圖八

建寧鄉同由坊統圖八

建忠里統圖六

雄田里統圖十三

三鶴里統圖五

郡玉鄉 三柱坊 統圖八

均亭里 統圖十

仁德里 統圖八

興賢上里 統圖六

興賢中里 統圖五

興賢下里 統圖六

仁義鄉 崇泰里 統圖十九

崇文里 統圖十一

崇政里 統圖十四

崇政上鄉 永忠里 統圖十三

和平里 統圖十一

嘉禾里 統圖十一

崇政下鄉 崇化里 統圖十六

北洛里 統圖十一

崇安縣

在府城西北二百四十里東抵浦城縣界七十里

西抵江西廣信府鉛山縣界七十里南抵建陽縣

界八十里北抵廣信府上饒縣界七十里東西相

距一百四十里南北一百五十里東南到建陽縣

界八十五里西南到建陽縣界八十里東北到浦

城縣界七十里西北到廣信府上饒縣界七十五

里到京師五千五百一十五里明編戶二十里城

內一隅外八鄉領里一十九統圖八十有八

國朝因之

在坊圖四陽里統

武泰鄉統石雄里三

新豐鄉統石白里三

統大渾里六

新塘鄉統黃福里四

武彛鄉統會仙里七

統下梅里四

上仁義鄉統黃村里一

統馬村里二

下仁義鄉統建平里三

統節和里七

開耀鄉統內五夫里二

統從籍里五

崇政鄉統長平里二

浦城縣

在府城東北二百七十里東抵處州府龍泉縣牌

頭嶺界九十里西抵崇安縣楊源嶺界八十里南

抵旣寧縣塔嶺界九十里北抵廣信府永豐縣界

一百五十里東西相距一百八十里南北一百四十里東南到松溪縣翁源嶺界七十里西南到建陽縣西坑嶺界七十里東北到衢州府江山縣筋竹嶺界九十里西北到廣信府永豐縣小竿嶺界九十里到京師五千三百九十里明編戶三十四里城內四隅外十鄉領里三十統圖一百五十有六

國朝因之

在坊圖東隅統四

南隅統四

西隅統四

北隅統四

安仁鄉太平里統圖五

郊陽里統圖六

欽德鄉募泰里統圖四

泰寧里統圖七

大石里統圖五

高泉里統圖五

永興鄉永康里統圖六

船山里統圖三

畢嶺里統圖四

總章鄉永平里統圖一

通德里統圖三

忠信上鄉清湖里統圖五

上原里統圖六

孝弟里統圖八

忠信下鄉新與里統圖七

仁風里統圖四

東里鄉靖安里統圖二

人和里統圖三

東禮里統圖二

昭文鄉上相里統圖五

招賢里統圖七

登雲里統圖二

總章里統圖四

載初鄉官田里統圖六

登俊里統圖四

乾封鄉長樂里統圖四

樂平里統圖二

安樂里統圖六

鴈塘里統圖七

忠信里統圖八

松溪縣

在府城東一百六十里東抵處州府慶元縣界四

十五里西抵政和縣界四十五里南抵政和縣界

二十五里北抵浦城縣界四十五里東西相距九

十里南北七十里東南到政和縣界四十五里西

南到建安縣界四十五里東北到慶元縣界八十

里西北到浦城縣界一百八十里到京師五千九

百三十五里明編城內一坊外三鄉領里七統圖

六十有三

國朝因之

在坊統圖

東平鄉東關里
統圖八

永寧里
統圖九

永和里
統圖四

善政鄉杉溪里
統圖十

崇仁鄉慶元里
統圖六

政和縣

在府城東二百四十里東抵壽寧縣南溪石門界

七十里西抵建安縣界三十五里南抵福州府古

田縣界一百里北抵松溪縣界三十里東西相距

一百五十里南北一百三十里東南到福寧州寧

德縣界三百五十里東北到浙江處州府慶元縣

界四十里西南到建安縣界三十五里西北到松

溪縣界二十五里到京師五千八百九十五里明

編戶九里城內一坊外四鄉領里八統都二十有

六圖六十

國朝因之

建寧府志

卷之三

九

二百六十

昇

在坊四隅統圖五

感化鄉 下里一都 統圖二

三都統圖二

上里一都 統圖二

南里八都 統圖二

西里十六都 統圖三

十八都 統圖三

東衢里十九都 統圖一

二十一都 統圖二

二都統圖二

四都統圖二

六都統圖一

九都統圖二

十七都 統圖三

二十都 統圖一

二十一都 統圖一

二十二都 統圖一

二十三都 統圖一

高宅里二十 四都統圖一

長城里二十 六都統圖一

二十八都 統圖一

東平里二十 九都統圖二

三十一都 統圖一

三十三都 統圖二

二十五都 統圖一

二十七都 統圖二

三十都 統圖二

三十二都 統圖二

三十三都 統圖二

壽寧縣

在府城東三百五十里東抵福寧州福安縣界九

十里南抵寧德縣界一百五十里西抵政和縣界
 一百里北抵處州府景寧縣界八十里東西相距
 一百九十里南北二百三十里東南到福安縣界
 八十里西南到寧德縣界一百里東北到溫州府
 太順縣界七十里西北到政和縣界一百里到京
 師六千二百九十里明編戶二里城內一坊外二
 里統都十二統圖二十有二

國朝因之

在城坊隅統圖四

福安里

- 一都統 圖一
- 二都統 圖一
- 三都統 圖一
- 四都統 圖一
- 五都統 圖一
- 六都統 圖一
- 七都統 圖二
- 八都統 圖三
- 九都統 圖一
- 十都統 圖三
- 十一都統 圖一
- 十二都統 圖一

政和里

分野

按周禮保章氏掌天文以星土辨九州之地七閩
 未有所職然禹貢揚州之域南至于海則七閩實

揚州之南境天官書云揚州之域星紀牽牛婺女之分前漢地理志云粵地牽牛婺女分野後漢天文志云牽牛主吳越隋地理志云自南斗三十二度至須女七度爲星紀於辰在丑而吳越得其分野唐志云東南負海爲星紀又云南斗牽牛星紀也又云南斗在雲漢下流當淮海間爲吳分牽牛去河南寢遠自豫章迄會稽南逾嶺徼爲越分宋天文志云天市垣第六星曰吳越元歷志斗四度入吳越分星紀之次明天文分野以福建郡縣並屬斗牛之分

形勝

建寧府舊志云建安郡東接括蒼北距上饒西南引延平東北帶建溪居閩上游爲江浙之要衝福唐之喉襟又云閩號佳山水建安視閩中尤號奇峻又云南望鐵獅紫芝以次羣峯傍聯黃華白鶴之秀爲東南勝地梁江淹云碧水丹山爲郡之盛唐權德輿謂爲東閩劇地楊億云建安保界閩越綿地八百盛均云其郡襟山帶水郡守韓元吉云

溪行石中曾鞏道山亭記云閩之路陸出者或逆
 坂如緣絙或垂崖如一髮或側徑鉤出於不測之
 溪上皆石芒峭發揮之然後可以投步其溪則水
 皆自高瀉下石錯出其間如林立舟沂泐者投便
 利失毫分輒破溺其水陸之險如此建安甌寧二縣形勝同
 建陽縣居郡上游舊志云西北高而山多峻峭東
 南下而地頗平夷羣峯襟抱二水帶東睡龍卽汝
 驚馬卽勒馬山東南廻護臥牛指登高山踞虎指橫山左右相
 持

崇安縣襟山帶水為閩南首地舊志云黃石山在
 其北武夷諸峯在其南東有三台官山西有白花
 巖尖石水則石曰從東南來石雄從西南來合而
 環拱於縣至武夷九曲與建溪會合而東注蘇軾
 詩云建溪富奇偉亦名言也

浦城縣舊志云地勢高亢其山險峻其水湍急北
 有梨嶺橫截巖窠天際羣峯疊嶂迤邐而來大溪
 環繞自邑治西折而東又云吳山崎其左西巖環
 其右前值廻隆之秀後倚橫山之奇

松溪縣舊志云湛盧峙其南蹲獅展其北七峯左
聳虹亭右列中有雙溪逶迤曲折山明水秀學錄
王琪記云湛盧巖窠石壁縈迴地靈而秀鍾焉
政和縣負山臨水舊志云東抵永嘉南通福唐西
走建溪北控龍泉又云羣山迴環二水縈繞又云
大奇峯聳翠于左望浙峯列嶂于右南則文筆之
效奇北則黃熊之獻秀

壽寧縣後據鎮武前列翠屏叢珠聯綴於左天馬
騰躍於右本志云四山列屏一水縈帶巖嶂重岡

湧若波濤

氣候

按八閩居東南溫燥之地大抵多熱少寒建寧據
閩上游界連中州而地勢頗高故寒於福州然寒
不裂膚故人多服單夾之衣遇隆冬霜雪亦不免
擁爐入春卽和 正旦賀節者或以扇四月衣綵
絺至九月而止六月暑甚道路如炙屋宇之下坐
席有董蒸氣一雨卽涼氣襲人久雨則寒春多雨
夏多驟雨風不甚號水無鹽鹵雪間有之然著地

卽融不能積厚霜多至三日而止俗謂之厭霜山
間四時多霧至午方消春秋冬三時尤甚中其氣
者能使人疾病故早行必飲酒四時之交寒暄不
時坐臥衣服一失其宜卽感冒傷寒輕則令人發
瘧俗云九月有木樨瘴卽其時也浦城又建寧上
游逼近中州而地勢愈高故比之府治寒涼之氣
較多壽寧又高於浦城夏不甚暑餘氣候同

元旦宜晴明六日十六二十一十六亦然諺云若閏六
種熟不熟但看年頭二箇六十四日占百果十五

占晚稻十六占早稻晴則熟雨則歉雨水後多陰
至大旱驚蟄雷不震則泉脉不通方春而雷又爲
多雪之占諺云正月雷鳴二月雪三月禾秧老生
節言春雷主旱也三月三日天陰無日無雨主蠶
大善芒種日雨則水多魚諺云雨芒種頭河魚淚
流雨芒種腳捉魚不著芒種後半月不宜雷謂之
禁雷天小暑與小寒相應晴則俱晴雨則俱雨大
暑宜雨主晚禾熟白露晴小麥熟立冬遇壬日至
庚日得雨謂之掖雨來春宜耕諺云掖雨不流籜

高田不用作小雪值朔日有東風主來春米賤西風主米貴小寒晴則早禾熟大寒晴則晚禾熟民間諸占候大抵爲農與穀耳其他非所及也

閩人云近二十年來較冷於昔地氣自北而南耶在時冬雪甚少霜霜僅三日過三日天陰謂之厭霜必雨近霜且淡旬殆北方所未有然民間以霜雪爲祥主有歲尤喜雪遠村在在有之晨起見四山峯頂皆白日出卽融近城市絕少今間有矣而霜顧於城市溪橋間獨厚至山溪村僻處益薄

疑爲人煙水氣上蒸遇寒氣凝結以成故霜不足以壓瘴須雪壓之九月有桂花瘴失之傷冷四月有黃竹瘴失之傷熱然氣亦輕不似粵地之毒瘴中之輒殺人也

風俗

建備五方之俗

宋張叔樅記

其民柔脆憚於遠行

方輿覽勝

志處市井者好侈而尙浮居田里者勤身而樂業

建安舊志家有詩書戶藏法律其民之秀者狎於文負

其厲氣者亦悍以勁宋韓元吉記男女不混於途少長

各攻其藝民畏官府士重清議農力甚勤不事商

賈末技舊志晦菴西山二先生過化之邦流風遺韻

宛然猶存明楊榮記水無涓滴不為用山到崔嵬猶力

耕朱行中詩士以名節自勵催科不煩田野之民猶為

真率浦城志道義之鄉絃誦相聞貴賤不相等貧富

不相資華門圭竇之士皆能挾族譜以推流派建陽

志士風淳朴人性儉約男務耕稼女務織紉不事

商賈松溪志山峻水急易鬪輕生自胡劉朱蔡諸儒

奮興講明道學而詩書禮樂之盛彬彬幾於洙泗

崇安志無豪家大姓陵轍細民以亂政化朱韋齋政和志民

多務本少逐末知節儉而簡於禮義一失其平叫

呼四出折之以理忿怒亦銷壽寧志此以前建俗之

大都也今則不然父母成惑於堪輿或一二十年

不葬者婚姻間或論財少年不務本業鴛鴦市井

咕嚕後輩或輕其長者撫今追昔不無慨然轉移

化導淡有望於司牧君子

冠

婚必擇門戶憑媒妁兩姓既允則用釵鐲果酒之

類曰問名插記繼行納幣禮厚薄各稱其家女家
設酒以待媒使亦備回禮曰回盤娶之日士人家
必親迎盛鼓樂既歸設席房中行合卺禮明日拜
公姑以次及其家衆三日詣厨竈及謁家廟
饗大率用文公家禮每越七日必祭間有用浮屠
者至六十日稍節哀謝弔客其墳塋多砌磚家饒
者必用石墀朔望則祭節令則祭忌日必素服祭
食物初出必薦新

男子七歲入鄉塾學書數作對偶女子四歲紮腳
七八歲學針刺讀書識字者少

歲時元旦祈年男女夙興潔廳宇陳酒果焚楮幣
以拜上下神祇慶節饗祀畢序拜稱觴然後親族
里鄰更相造拜設酒食相款凡五日止謁墓祭竈
祭門亦初五日止

立春先一日迎芒神土牛於東郊所經街衢結綵
少長選集游觀相飲樂徵逐至期燃炭放炮名曰
接春家食春餅是日禁忌最重不輕易到人家

上元各於門首跨街爲棚張燈祠廟坊社皆然好

事者復箕斂於市要區為鰲山龍鶴滾毬諸燈佐以鼓樂沿街遊行笙歌聲徹大率十一日起十五日止

社日鄉坊有社祭春日燕福秋日鴻福家祀司土以粥

清明日祭墓添土於塚上折柳枝插門左右俗謂之辟邪

三月三日烏飯取南燭木莖葉搗碎漬米為飯成紺色以食且饋遺俗謂日連是日作此供母故效

之浦城邑志載四月八日作江浙皆然按烏飯即青精飯青精一名南天燭杜詩云豈無青精飯

此即

四月浴佛僧人以是月八日為釋迦誕日煎香水率童子歌佛曲沿門求施

五月端午飲菖蒲雄黃酒食角黍競龍舟綵繩繫臂綴繡符簪艾葉採藥合藥率以是日建陽志稱是日為藥

王曬藥日午時為天中節百草煎湯浴體免瘡癬松溪志以四日泛蒲酒五日為閩王忌魏濬詩吾家臨午節先日盡壺觴云

六月六日唐刺史梨嶽李公誕辰為上壽是日浴犬

七月七夕女子陳瓜果拜牛女星乞巧取小蟾子以盒盛之平明成繭以爲得巧

七月十五日古謂中元節家懸祖先遺像致祭焚楮幣僧人以是日作盂蘭盆會

八月十五日中秋夜置酒玩月食月餅近有掛旛燈乞嗣月宮者

重陽登高蒸米粉作五色九重糕相饋遺飲茱萸酒

十月之朔謂之十月朝以豆米作糝祀先

冬至不拜賀用糯米粉作圓祀先饋遺俗謂團圓子

十一月二十四日人家拂塵掃舍宇滌器用夜用糖果祀竈自是親戚互爲歲饋酒擔食榼相望於道

除夕換桃符門神及春勝春聯之類蒸粳米雜烏豆於內謂之歲飯俟新正數日內翻炊食之備牲醴祀先及五祀之神薄暮燃燭炭具酒殺大小會飲謂之分歲夜則以竹木敝器聚雜柴爇於門前

謂之火盆光焰燭天爆竹聲相聞不絕有終夜圍
爐達旦者曰守歲

建寧府志卷之三

終

